

— Hjeraðslæknir Þórður J. Thoroddsen í Keflavík hefur í brjefi, dags. 27. 73
p. m., fyrir hönd kaupfjelags Rosmhvalanesshrepps jafnframt því að geta þess, 31. maí
að tjeð fjelag hafi í vetur pantað ýmsar vörur frá útlöndum, þannig, að það hafi beðið
kaupmann L. Zöllner í Newcastle að kaupa vörurnar fyrir fjelagið og senda fyrir reikning
fjelagsins skip með þær til Keflavíkur, Leiru og Garðs, en þær skyldu þær fluttar í
land og þeim skipt milli fjelagsmanna, eptir því sem hver hefði pantað, en vörurnar
áttu aptur að borgast með fiski, er Zöllner seldi fyrir reikning fjelagsins í útlöndum —
beiðst úrlausnar minnar um það, hvort sá úrskurður sýslumannsins í Kjósar- og Gull-
bringusýslu sje rjettur, að L. Zöllner eða greindu kaupfjelagi sje, sakir þessa vöruflutnings
skylt að fullnægja fyrirmælum laga nr. 28, 2. desbr. 1887, að því er lausakaupmennsku-
leyfisbrjef snertir, en á brjefi frá sýslumanninum í Kjósar- og Gullbringusýslu, er fylgdi
ofangreindu brjefi hjeraðslæknisins sjest, að þegar hefur verið gefið út leyfisbrjef handa
greindum Zöllner til hinnar umræddu verzlunar, og hið lögskipaða gjald fyrir það, 100kr.,
greitt sýslumanni.

Út af þessu vil jeg þjónustusamlega skora á yður, herra amtmaður, að leggja
fyrir sýslumanninn í Kjósar- og Gullbringusýslu, að tjá Þórði hjeraðslækni Thoroddsen,
að jeg finni eigi ástæðu til að fyrirskipa endurborgun á þeim 100 kr., er greiddar hafa
verið fyrir hið umrædda lausakaupmennskuleyfisbrjef, en fjelagið geti, ef það óskar þess,
leitað úrskurðar dómstólanna um málið.

Brjef landshöfðingja til bæjarfógetans á Akureyri um þingsköp fyrir bæjar- 74
stjórn Akureyrar og um erindisbrjef fyrir menn, er líta skulu eptir eldstóm o. fl. á 31. maí
Akureyri. — Með þóknanlegu brjefi, dags. 9. p. m., hafið þjer, herra bæjarfógeti, sent
mjer í tveim samritum frumvarp til þingskapa fyrir bæjarstjórn Akureyrar og erindis-
brjef fyrir menn, er líta skulu eptir eldstóm o. fl. á Akureyri, og beiðzt staðfestingar
minnar þar á.

Um leið og jeg nú endursendi yður annað samritið af nefndu frumvarpi til þing-
skapa með árituðu samþykki mínu, skal jeg geta þess, að því er snertir umgetið er-
indisbrjef, sem jeg einnig endursendi hjer með, að jeg sje mjer ekki fært að staðfesta
það, þar sem í því eru lagðar bæjarbúum ýmsar kvaðir og skyldur á herðar, sem laga-
heimild vantar fyrir.

Brjef landshöfðingja til amtmannsins yfir suðuramtinu og vesturamtinu, um 75
heimild til að reka verzlun á jörð í umdæmi Reykjavíkurkaupstaðar. — Eptir að 1. júní
hafa með þóknanlegu brjefi yðar, herra amtmaður, dags. í gær, meðtekið ásamt þókn-
anlegu álitu yðar ummæli bæjarfógetans í Reykjavík um fyrirspurn E. Egilssonar í Görð-
unum við Reykjavík um það, hvort honum eigi væri heimilt að lögum að reka verzlun
á tjeðri eignar- og ábýlisjörðu sinni, sem þó sje í umdæmi Reykjavíkurkaupstaðar, und-
anfelli jeg ekki hjer með þjónustusamlega að tjá yður til þóknanlegrar leiðbeiningar og
frekari birtingar, að jeg verð að vera yður og bæjarfógetanum samdóma um, að eigi sje,
eptir því sem ástatt er, nein heimild til þess, að lögum, að veita leyfi til verzlunar á
nefndri jörð Görðunum, en hins vegar álit jeg, að nefndum E. Egilsson sje frjálst, ef

75 hann svo vill, að gjöra tilraun til að fá bæjarfógetann í Reykjavík skyldaðan til með 1. júní dómi, að gefa út handa sjer borgarabrjef það, sem ræðir um í lögum nr. 28, 7. nóv. 1879 til hinnar umræddu verzlunar.

76 Brjef landshöfðingja til biskupsins um stofnun nýs prestakalls. — Með 5. júní þóknanlegu brjefi, dags. í gær, hafið þjer, háæruverðugi herra, sent hingað erindi frá 28 sóknarmönnum í Brautarholtssókn í Mosfellsprestakalli og 20 sóknarmönnum í Saurbæjarsókn í Reynivallaprestakalli, þar sem farið er fram á, að stofnað verði af nýju hið forna Kjalarnesþingaprestakall, ásamt yfirlýsingum hinna tveggja núverandi presta sókna þessara, tilboði aðstoðarprests sjera Ólafs Finnssonar um að gjörast prestur í hinum fornu Kjalarnesþingum, og loks brjefi hjeradsprófastsins um þetta mál, og þar með fylgjandi útskrift úr gjörðabók hjeradsfundarins í Kjalarnesprófastsdæmi 12. sept. 1887.

Út af þessu skal eigi látið hjá líða, að tilkynna yður, til þóknanlegrar leiðbeiningar og frekari birtingar, að jeg sje mjer eigi fært að sinna þessu máli þegar af þeirri ástæðu, að sjera Þorkell Bjarnason á Reynivöllum hefur sett það skilyrði fyrir að sleppa Saurbæjarsókn, að hann fái eptirlaun sín reiknuð einnig af Saurbæjarsókn eptir sem áður, svo framarlega sem hann sækir um og fær lausn frá prestsskap sem prestur á Reynivöllum, en slíkt skilyrði verður ekki samrýmt við fyrirmæli gildandi laga um eptirlaun presta, enda álít jeg ísjárvert að samþykkja breytingar á skipun sókna og brauða, samkvæmt 4. gr. prestakallalaganna 27. febr. 1880, þegar það er fyrirsjáanlegt, að breytingarnar mundu hafa í för með sjer aukinn kostnað fyrir landssjóð.

77 Brjef landshöfðingja til stiptsyfirvaldanna um leyfi til að taka lán handa 6. júní Otrardals prestakalli. — Samkvæmt tillögum yðar, herra amtmaður og háæruverðugi herra, í þóknanlegu brjefi, dags. 3. p. m. veiti jeg hjer með samþykki mitt til, að presturinn að Otrardal í Barðastrandarprófastsdæmi, sjera Jósep Kr. Hjörleifsson, megi taka 500 kr. lán úr Söfnunarsjóði Íslands til þess að byggja upp bæjarhúsin að Otrardal, þannig, að lán þetta endurborgist á næstu 20 árum með 25 kr. afborgun á ári hverju auk vaxta, með þeim skilmálum:

að láni þessu verði einungis varið til þess að byggja upp nauðsynleg hús staðarins: baðstofu, bæjardyr, búr og eldhús;

að lán þetta megi ekki taka úr Söfnunarsjóðnum fyr en presturinn er búinn að sanna með löglegri sköðunar- og virðingargjörð úttektarmanna og hjeradsprófasts, sem senda ber stiptsyfirvöldunum, að tjeð staðarhús sjeu byggð upp, og að kostnaðurinn við bygginguna hafi numið að minnsta kosti 500 kr., og

að ofanefndur prestur eða dánarbú hans, þegar hann fer frá Otrardal eða deyr, skili nefndum húsum staðarins í góðu standi eða með fullu álagi eptir úttektargjörð.

Þetta tilkynnist hjer með hinum heiðruðu stiptsyfirvöldum til þóknanlegrar leiðbeiningar og frekari birtingar.